



126  
Data:

06-07-2018

REPUBLIKA E KOSOVËS  
REPUBLIKA KOSOVA – REPUBLIC OF KOSOVO  
GJYKATA THEMELORE FERIZAJ

Numri i lëndës: 2018:012045  
Datë: 16.05.2018  
Numri i dokumentit: 00048990

P.nr.3315/17

NË EMËR TË POPULLIT

GJYKATA THEMELORE NË FERIZAJ – DEPARTAMENTI I PËRGJITHSHËM – DIVIZIONI PENAL, me Gjyqtaren Hakile Ilazi dhe zyrtaren ligjore Ganimete Avdiu, në çështjen penale kundër të akuzuarit [REDACTED] për shkak të veprës penale Posedim i paautorizuar i narkotikëve, substancave psikotrope ose analoge nga neni 275 paragrafi 2 i KPRK-së, sipas aktakuzës së Prokurorisë Themelore në Ferizaj PP.II.nr.2491-6/2017 e datës 28.12.2017, pas mbajtjes së shqyrtimit gjyqësor publik me datë 20.04.2018, në praninë e përfaqësuesit të aktakuzës – Prokurorit të Shtetit Avdullah Abedini, të njëjtën datë mori dhe publikisht shpalli, ndërsa me dt. 16.05.2018, përpiloi me shkrim këtë:

A K T G J Y K I M

I akuzuari [REDACTED] nga fsh [REDACTED] Komuna Ferizaj, i lindur me [REDACTED] nga i ati [REDACTED] dhe e ëma [REDACTED] e gjinisë [REDACTED] gjendjes se mesme ekonomike, ka të kryer shkollën e mesme , shqiptar, shtetas i Republikës së Kosovës.

## ËSHTE FAJTOR

Me datën 10 nëntor 2017, rreth orës 18,15 h ,në rrugën “Brahim Ademi”, në Ferizaj, me rastin e ndaljes dhe kontrollit nga ana e zyrtarëve policorë të automjetit të markës Rover me targa të regjistrimit [REDAKTUAR], është konstatuar se i pandehuri pa autorizim posedonte substancë narkotike të llojit marihuanë, substance kjo e shpallur me ligj si narkotik, e cila i sekuestrohet nga ana e zyrtarëve policorë e që me rastin e ekspertimit është konstatuar se e njëjta substancë është e llojit kanabis–marihuanë që përmbanë Tetrahifrokanabinol (THC) me peshë prej 2,25 gram.

Me çka ka kryer veprën penale Posedim i paautorizuar i narkotikëve, substancave psikotrope ose analoge nga neni 275 par.2 të KPRK-së,

Andaj Gjykata në bazë të dispozitave dhe neneve 4, 7, 17, 21, 41, 42, 43, 46 të KPRK-ës dhe nenit 365 të KPPK-ës, i

## SHQIPTON

**DËNIM ME GJOBË NË SHUMË PREJ 250/dyqind e pesëdhjetë euro/€, të cilin dënim do ta paguaj në afatin prej 30 ditësh pasi që aktgjykimi të merr formën e prerë, nën kërcënimin e ekzekutimit me dhunë.**

Nëse dënimi i zëvendësuar me gjobë nuk mund të ekzekutohet as në mënyra të tjera të parapara me nenin 46 par. 3 të KPK-ës do të ekzekutohet në atë mënyrë që i akuzuari për çdo 20 € do të vuaj nga një ditë burgimi.

Konfiskohet në mënyrë të përhershme substanca e llojit kanabis – marihuanë që përmbanë Tetrahifrokanabinol (THC) me peshë prej 2,25 gram.

I pandehuri [REDAKTUAR] obligohet që në emër të paushallit gjyqësor, të paguaj shumën prej 25 euro, si dhe në emër të kompensimit e Viktimave të Krimit shumën prej 30 € (tridhjetë/euro), brenda afatit prej 30 ditësh nga dita e plotfuqishmërisë së këtij aktgjykimi.

## Ar sy e t i m i

Prokuroria Themelore në Ferizaj me aktakuzën të evidentuar si PP.II.nr.2491-6/2017 e datës 28.12.2017 ka akuzuar të akuzuarin [REDAKTUAR] për veprën penale Posedim i paautorizuar i narkotikëve, substancave psikotrope ose analoge nga neni 275 paragrafi 2 i KPRK-së,

Gjykata pasi që studioi materialet e çështjes penale të paraqitur për gjykim, çmoi se çështja konkrete juridiko penale është në juridiksionin e saj dhe gjykimi i kësaj çështje penale duhet të procedohet përpara kësaj gjykate dhe është në kompetencën lëndore dhe territoriale të kësaj gjykate.

Gjykata duke vepruar në këtë çështje penale, në bazë të nenit 245, të KPPK-së, mbajti shqyrtimin fillestar më datën 20.04.2018, në të cilën përfaqësuesi i akuzës, prokurori i shtetit Avdullah Abedini lexoi aktin akuzues dhe deklaroi se qëndron në tërësi pranë akuzës dhe kualifikimit juridik të veprës penale, duke i propozuar gjykatës që i pandehuri të shpallet fajtor dhe t'i shqiptohet dënim i paraparë me ligj.

Gjyqtarja pasi që u bind se i pandehuri e ka kuptuar akuzën, konform nenit 246, paragrafi 4, të KPPK-së, të pandehurit i ofroi mundësinë të pranoj fajësinë ose të deklarohet i pafajshëm.

I akuzuari [REDAKTUAR] në shqyrtimin fillestar e ka pranuar fajësinë për veprën penale Posedim i paautorizuar i narkotikëve, substancave psikotrope ose analoge nga neni 275 par.2 të KPRK-së.e cila i vihet në barrë.

Gjykata konstatoi se janë plotësuar kriteret nga neni 248, paragrafi 1, nën paragrafi 1.1, 1.2, 1.3 dhe 1.4, të KPPK-së, meqë i akuzuari ka kuptuar natyrën dhe pasojat e pranimi të fajësisë, pranimin e fajësisë e ka bërë vullnetarisht dhe pranimi i fajësisë mbështetet në faktet dhe provat e kësaj çështje penale siç janë: Raporti i policit, vërtetimi mbi sekuestrimin e përkohshëm të sendeve të datës 10.11. 2017, fotografitë e të pandehurit si dhe dëshmisë së sekuastruar si provë materiale dhe raporti i ekspertizës dhe se akuza nuk përmban shkelje të qartë ligjore ose gabim faktik, andaj shqyrtimi fillestar konform nenit 248 par.4, të KPPK-së, ka vazhduar me shqiptimin e dënimit.

Meqenëse i pandehuri ka pranuar fajësinë për veprën penale e cila i ngarkohet me aktakuzë, e cila është në përputhje me kriteret e përcaktuara me nenin 248, paragrafi 1, të KPPK-së, gjyqtarja konform nenit 248, paragrafi 4, të KPPK-së, ka vazhduar me shqiptimin e dënimit, ku është paraparë se nëse i pandehuri në shqyrtimin fillestar pranon fajësinë dhe gjyqtari individual vlerëson se pranimi i fajit është bërë në pajtim me ligjin, mund të vazhdojë menjëherë me shqiptimin e dënimit pa e mbajtur fare shqyrtimin gjyqësor.

Vlerësuar në aspektin juridik gjykata gjeti se në veprimet e të pandehurit ekzistojnë të gjitha tiparet objektive dhe subjektive të veprës penale Posedim i paautorizuar i narkotikëve, substancave psikotrope ose analoge nga neni 275 par.2 të KPRK-së. e cila i vihet në barrë, si në datën, kohën dhe vendin siç është përcaktuar në dispozitivin e këtij aktgjykimi.

Me rastin e caktimit të llojit dhe lartësisë së dënimit, gjykata pati parasysh të gjitha rrethanat në kuptim të nenit 73, 74 dhe 75, të KPRK-së, dhe si rrethanë lehtësuese mori pranimin e fajësisë, sjelljen e tij korrekte, pendimin e tij, premtimin se në të ardhmen nuk do të kryej vepra të tilla apo të ngjashme penale, nuk do ta përdorë dhe nuk do të posedoj në të ardhmen materiale të tilla, është hera e parë që bie ndesh me ligjin për vepra të tilla penale si dhe lut gjykatën që të i shqiptoj një dënim sa më të butë dhe në mungesë të rrethanave rënduese gjykata vlerësoj shkallën e përgjegjësisë penale të të pandehurit dhe rrezikshmërinë konkrete të veprës penale, andaj duke marr parasysh tërësinë e këtyre rrethanave të veprës penale, të pandehurit i shqiptoj dënimin me gjobë në shumë prej 250/dyqind e pesëdhjetë euro/€, të cilin dënim do ta paguaj në afatin prej 30 ditësh pasi që aktgjykimi të merr formën e prerë, nën kërcënimin e ekzekutimit me dhunë, me bindjen se dënimi i shqiptuar ndaj të akuzuarit është në harmoni me peshën e veprës penale, me shkallën e përgjegjësisë penale të të akuzuarit dhe me dënimin e shqiptuar me gjobë do të arrihet qëllimi i dënimit i paraparë në nenin 41 të KPRK-së.

Vendimi mbi shpenzimet paushalle është marr në kuptim të dispozitës së nenit 450 par. 1 dhe 2 pika 2.6 lidhur me nenin 453 par. 1 të KPPRK-së.

Vendimi për kompensimin e viktimave të krimit është marrë konform nenit 39 par 3 pika 3.1, Nr. 05/L-036 të ligjit për kompensimin e Viktimave të Krimit.

Andaj nga të cekurat më lart gjykata vendosi si në dispozitiv të këtij aktgjykimi.

**GJYKATA THEMELORE NË FERIZAJ**


**P.nr.3315/2017, më datë 16.05.2018**

**Zyrtarja Ligjore**

**Ganimete Avdiu**

**Gjyqtarja**

**Hakile Ilazi**



**KËSHILLA JURIDIKE:** Kundër këtij aktgjykimi është e lejuar ankesa Gjykatës së Apelit të Kosovës në Prishtinë, në afat prej 15 ditësh, nga dita e pranimit të aktgjykimit, nëpërmjet kësaj gjykate.